

樂府詩集

三十

樂府詩集卷第八十九

太原

郭

茂倩

編次

雜歌謠辭

謠辭

晉安帝元興初童謠

宋書五行志曰晉栢玄既篡有此童謠及玄敗走至江陵五月中誅如其期焉時又有民謠云征鍾落地栢迸走征鍾至穢之服栢四體之下稱玄自下居上猶征鍾之厠歌謠下體之詠民口也而云落地墜地之祥迸走之言其驗明矣按帝紀栢玄篡位樂府詩集卷八十九在安帝元興二年十二月也

草生及馬腹烏啄栢玄目

晉安帝元興中童謠

宋書五行志曰晉安帝元興中栢玄既得志而有童謠及玄敗走而諸栢悉誅焉郎君司馬元顯也

長干巷巷長干今年殺郎君明年斬諸栢

晉安帝義熙初童謠

晉書五行志曰安帝義熙初童謠時官養盧龍寵以金紫奉以名州養之已極而寵不能懷我好音舉兵內伐遂成讎敵也及

敗斬伐其黨如草木之成績焉按列傳盧循小字元龍元興二年寇廣州逐刺史吳隱之自攝州事號平南將軍安帝乃假循征虜將軍廣州刺史義熙中劉裕破循于豫章循走交州為刺史杜慧度所殺

官家養蘆化成荻蘆生不止自成積

晉安帝義熙初謠二首

宋書五行志曰盧龍據有廣州民間有謠後擁上流數州之地內逼京輦應天半之言時復有謠言龍後果敗不得入石頭矣

蘆生湯湯竟天半

樂府詩集卷八十九

盧橙橙逐水流東風忽如起那得入石頭

晉吳中童謠

宋書五行志曰晉庾羲在吳郡時吳中童謠無幾而庾羲王洽相繼亡

寧食下湖符不食上湖尊庾吳沒命喪復殺王領軍

晉荊州童謠

晉書五行志曰殷仲堪在荊州時童謠未幾而仲堪敗桓玄遂有荊州

芒籠目繩縛腹殷當敗相當復

晉京口謠

宋書五行志曰晉王恭鎮京口誅王國寶

百姓為此謠按昔年食白飯言得志也今年食麥麩麥麩麤穢其精已去明將敗也天公將加譴謫而誅之也捨龍喉氣不通死之祥也敗復敗丁寧之辭也恭尋死京都大行咳疾而喉並喝焉

昔年食白飯今年食麥麩天公誅適汝教汝捨龍喉龍喉喝復喝京口敗復敗

晉京口民間謠二首

宋書五行志曰晉王恭在京口民間忽有此謠按黃字上恭字頭也小人恭字下也尋如謠言

樂府詩集卷十九

三

黃頭小人欲作賊阿公在城下拍縛得

黃頭小人欲作亂賴得金刀作蕃杆

苻堅時長安謠

晉書載記曰苻堅時長安有此謠堅以鳳皇非梧桐不棲非竹實不食乃植桐竹數十萬株于阿房城以待之後堅為慕容沖所敗入止阿房城焉鳳皇沖小字也

鳳皇鳳皇止阿房

苻堅初童謠

晉書五行志曰苻堅初有此童謠及堅敗於淝水為姚萇所殺在偽位凡三十年

阿堅連率三十年後若欲敗時當在江湖邊

符堅時童謡

晉書載記曰符堅彊盛時有此童謡堅聞而惡之每征伐戒軍候云有新城者避之後因壽陽之敗其國大亂竟死於新城佛寺五行志曰時復有謡云魚羊田斗當滅秦識者以為魚羊鮮也田斗甲也堅自號鮮卑堅不徒及淮南敗還初為慕容冲所攻又為姚萇所殺身死國滅云

河水清復清符詔死新城

樂府詩集卷十九

宋元嘉中魏地童謡

南史曰宋元嘉二十七年魏太武帝圍汝南成文帝遣臧質比救至盱台太武已過淮自廣陵返攻盱台就質求酒質封漉便與之且報書云不聞童謡言邪虜馬飲江水佛狸死卯年冥期使然非復人事爾智識及衆豈能勝符堅邪頃年展爾陸梁者是爾未飲江太歲未卯耳時魏地有童謡故質引之云

軺車北來如穿雉不意虜馬飲江水虜主北歸石濟
可虜欲渡江天不徙

梁武帝時謠

南史曰梁武帝天監元年十一月立長子
統為皇太子時民間有謠按鹿子開者反
語為來子哭也後太子果薨是時長子歡
為徐州刺史以嫡孫次應嗣位而帝意在
晉安王猶豫未決及立晉安王為皇太子
而歡止封豫章郡王還任謠言心徘徊者
未定也城中諸少年逐歡歸去來者復還
徐方之象也統即昭明太子也
鹿子開城門鹿子開當開復未開使我心徘徊
城中諸少年逐歡歸去來

樂府詩集卷十九

五

梁大同中童謠

隋書五行志曰梁大同中有童謠其後侯
景破丹楊乘白馬以青絲為羈勒以應之
青絲白馬壽陽來

梁末童謠

南史曰梁末有童謠及王僧辯滅說者以
為僧辯本乘巴馬以擊侯景馬上郎王字
也塵謂陳也江東謂殺羊角為阜英隋氏
姓楊揚羊也言陳終滅於隋也

可憐巴馬子一日行千里不見馬上郎但有黃塵起
黃塵汚人衣阜英相料理

陳初童謠

隋書五行志曰陳初有童謠其後陳主果為韓擒所敗擒本名擒虎黃班之謂也破建康之始復乘青驄馬往反時節皆應黃班青驄馬發自壽陽浹來時冬氣未去日春風始

同前

御路種竹篠蕭蕭已復起合盤貯蓬塊無復揚塵已

陳初時謠

日西夜烏飛拔劍倚梁柱歸去來歸山下

後魏宣武孝明時謠

北史魏本紀曰宣武孝明間謠識者以為

樂府詩集卷十九

六

索謂魏本索驤焦梨狗子拍字文泰俗謂之黑獺也

狐非狐貉非貉焦梨狗子齧斷索

後魏末童謠

北史齊本紀曰後魏末文宣末受禪時有童謠按藁然兩頭於父為高河邊殺獼為水邊羊指帝名也於是徐之才勸帝受禪一東藁兩頭然河邊殺獼飛上天

東魏童謠

北史曰東魏孝靜帝之將立也時有童謠按青雀子謂靜帝實清河王之世子鸚鵡

謂齊神武也後竟為齊所滅

可憐青雀子飛來鄴城裏羽翮垂欲成化作鸚鵡子
北齊鄴都童謡

隋書五行志曰齊神武始移都于鄴時有
童謡按魏孝靜帝者清河王之子也后則
神武之女鄴都宮室未備即逢禪代作窠
未成之効也孝靜尋崩文宣以后為太原
長公主降於楊愔時婁后尚在故言寄書
於父母新婦子斥后也

可憐青雀子飛入鄴城裏作窠猶未成舉頭失鄉里
寄言與父母好看新婦子

二九十三

樂府詩集卷八十九

八七

北齊武定中童謡

隋書五行志曰武定中有童謡按高者齊
姓也澄父襄名五年神武崩摧折之應七
年父襄遇盜所害澄滅之徵也

百尺高竿摧折水底然燈澄滅

北齊文宣時謡

北史齊本紀曰文宣時謡按帝以午年生
故曰馬子三臺石季龍舊居故曰石室三
千六百日十年也文宣在位十年果如謡
言

馬子入石室三千六百日

北齊後主武平初童謠

隋書五行志曰武平元年童謠按其年四月隴東王胡長仁謀遣刺客殺和士開事露反為士開所譖而死

狐截尾你欲除我我除你

北齊後主武平中童謠二首

隋書五行志曰武平二年童謠小兒唱訖一時拍手云殺却至七月二十五日御史中丞琅邪王儼執士開送於南臺而斬之是歲又有童謠而七月士開被誅九月琅邪王遇害十一月趙彥深出為西兗州刺

樂府詩集卷八十九

八

史

和士開七月三十日將你向南臺

七月刈禾傷早九月喫饞正好十月洗蕩飯瓮十一月出却趙老

北齊後主武平末童謠

隋書五行志曰武平末有童謠時穆后母子淫辟干預朝政時人患之穆后小字黃花尋逢齊亡欲落之應也

黃花勢欲落清尊但滿酌

北齊末鄴中童謠

隋書五行志曰北齊末鄴中有童謠末幾

周師入鄴

金作埽帚玉作把淨埽殿屋迎西家

周初童謡

隋書五行志曰周初有童謡按靜帝隋氏之甥既遜位而崩諸舅強盛

白楊樹頭金鷄鳴祇有阿舅無外甥

隋煬帝大業中童謡

隋書五行志曰煬帝大業中童謡其後李密坐楊玄感之逆為吏所拘在路逃叛潛結羣盜自陽城山而來襲破洛口倉後復屯兵苑內莫浪語密也字文化及自號許

樂府詩集卷之九

九

國尋亦破滅誰道許者蓋驚疑之辭也

桃李子鴻鵠遶陽山宛轉花林裏莫浪語誰道許

唐武德初童謡

新唐書五行志曰竇建德未敗時有此謡也

豆入牛口勢不得久

唐貞觀中高昌國童謡

唐書曰貞觀中高昌國有此童謡其國王文泰使人捕其初唱者不能得帝紀曰十三年以侯君集為交河道行軍大總管帥師伐高昌十四年平之以其地置西州又置安西都護六川

高昌兵馬如霜雪漢家兵馬如日月日月照霜雪回首自消滅

唐永淳初童謠

新唐書五行志曰高宗永淳元年童謠是歲七月東都大兩人多殍殍

新禾不入箱新麥不入場迨及八九月狗吠空垣墻

唐高宗永淳中童謠

新唐書五行志曰高宗自調露中欲封嵩山屬突厥叛而止後又欲封以吐蕃入寇遂停時有童謠按舊書武后自封岱之後勸帝封中嶽每下詔草儀注即歲饑邊事

三

樂府詩集卷八十九

十一

警急而止永淳中既至山下未及行禮遘疾還宮而崩

嵩山凡幾層不畏登不得但恐不得登三度徵兵馬傍道打騰騰

唐武后時童謠

紅綠複裙長千里萬里聞香

唐神龍中謠

新唐書五行志曰中宗神龍以後民謠按山南唐也烏鵲窠者人居寡也山北胡也金駱駝者虜獲一而重載也

山南烏鵲窠山北金駱駝棘柯不鑿孔斧子不施柯

唐中宗時童謠

新唐書五行志曰安樂公主於洺州造安樂寺時有童謠按舊書安樂公主中宗幼女韋皇后所生初降武崇訓崇訓死降武延秀所造安樂佛寺擬於宮掖巧妙過之可憐安樂寺了了樹頭懸

唐景龍中謠

新唐書五行志曰景龍中民謠也按會要東都聖善守神龍初中宗為武太后追福所造景龍中復增廣焉

可憐聖善寺身著綠毛衣牽來河裏飲踏殺鯉魚兒

樂府詩集卷六十九

十一

唐天寶中童謠

新唐書五行志曰天寶中安祿山未反時童謠按舊書天寶十四載祿山以范陽叛明年竊號燕國

燕燕飛上天天上女兒鋪白氍毹上有千錢

唐天寶中幽謠

新唐書五行志曰天寶中幽州有此謠也舊來誇戴竿今日不堪看但看五月裏清水河邊見契丹

唐德宗時童謠

新唐書五行志曰朱泚未敗前兩月有童

謠按舊書建中四年朱泚以涇原兵叛僭號曰大秦明一改號曰漢是歲六月兵敗而死一隻筋兩頭朱五六月化為蛆

唐元和初童謠

新唐書五行志曰元和初童謠既畢乃轉身曰舞了也按舊書志云為十年六月三日武元衡為盜所害之應本傳云打麥謂打麥時也麥打謂暗中突擊也三三三謂六月三日也既而旋其袖曰舞了也謂元衡之卒也

打麥麥打三三三舞了也

二十五

樂府詩集卷八十九

十三

唐咸通中童謠

新唐書五行志曰懿宗咸通七年童謠也草青青被嚴霜鵲始後看顛狂

唐咸通末成都童謠

新唐書五行志曰咸通十四年成都有童謠是歲歲陰在巳明年在午巳蛇也午馬也

咸通癸巳出無所之蛇去馬來道路稍開頭無片瓦地有殘灰

唐僖宗時童謠

新唐書五行志曰僖宗時有此童謠按舊

書云乾符中仍歲凶荒人飢為盜河南尤甚曹州人王仙芝尚君長聚盜起於濮陽攻剽城邑陷曹濮鄆等州五年仙芝敗而黃巢之衆攻江西云

金色蝦蟆爭努眼翻却曹州天下反

唐乾符中童謠

新唐書五行志曰乾符六年童謠也

八月無霜塞草青將軍騎馬步空城漢家天子西巡狩猶向江東更索兵

唐中和初童謠

新唐書五行志曰中和初有此童謠按舊

樂府詩集卷八十九

十三

書中和四年黃巢既敗以其殘衆東走李克用追擊至濟陰而還賊散於兗鄆黃巢入泰山至狼虎谷為其將林言所殺

黃巢走泰山東死在翁家翁

梁太祖時蜀中謠

五代史曰劉知俊初事梁太祖後奔蜀王建雖加寵待然亦忌之常謂近侍曰劉知俊非爾輩能駕馭不如早為之所有嫉之者於里巷間作此謠知俊色黔丑生襖繩者王氏子孫皆以宗承為名故以此猜疑之遂見殺於成都

黑牛出圈撥繩節

樂府詩集卷第八十九

己卯十月九日看至此

樂府詩集卷第八十九

十四

樂府詩集卷第九十

太原

郭

茂倩

編次

新樂府辭

樂府之名起於漢魏自孝惠帝時夏侯寬為樂府令始以名官至武帝乃立樂府采詩夜誦有趙代秦楚之謳則採歌謠被聲樂其來蓋亦遠矣凡樂府歌辭有因聲而作歌者若魏之三調歌詩因弦管金石造歌以被之是也有因歌而造聲者若清商吳聲諸曲始皆徒歌既而被之弦管是也有有聲有辭者若郊廟相和饒歌橫吹等

樂府詩集卷九十

一

曲是也有有辭無聲者若後人之所述作未必盡被於金石是也新樂府者皆唐世之新歌也以其辭實樂府而未常被於聲故曰新樂府也元微之病後人訟襲古題唱和重複謂不如寓意古題刺美見事猶有詩人引古以諷之義近代唯杜甫悲陳陶哀江頭兵車麗人等歌行率皆即事名篇無復倚古乃與白樂天李公垂輩謂是為當遂不啻更擬古題因劉猛李餘賦樂府詩咸有新意乃作出門等行十餘篇其有雖用古題全無古義則出門行不言離

別將進酒特書列女其或頗同古義全創
新詞則田家止述軍輸捉捕請先螻蟻如
此之類皆名樂府由是觀之自風雅之作
以至于今莫非諷興當時之事以貽後世
之審音者儻採歌謠以被聲樂則新樂府
其庶幾焉

樂府雜題

新曲

謝偃

青樓綺閣已含春凝妝豔粉復如神細細輕裙全漏
影離二薄扇詎障塵樽中酒色恒宜滿曲裏歌聲不
厭新紫燕欲飛先逸棟黃鸝始哢即嬌人撩亂絲垂
昏柳陌參差濃葉暗桑津上客莫畏斜光晚自有西
園明月輪

樂府詩集卷九十

二

同前二首

長孫無忌

家住朝歌下早傳名結伴來遊淇水上舊長情玉佩
金鈿隨步動雲羅霧縠逐風輕轉日機心懸自許何
須更待聽琴聲

迴雪凌波遊洛浦遇陳王婉約娉婷工語笑侍蘭房
芙蓉綺帳還開揜翡翠珠被爛齊光長願今宵奉顏
色不愛聞簫逐鳳皇

湘川新曲二首

杜易簡

昭潭深無底橋洲淺而浮本欲凌波去翻為目成留

願君稍須臾無令賤妾羞
二八相招携採菱波前谿弱腕隨梳起纖腰向舸低
自解看花笑憎聞染竹啼

小曲新辭二首

白居易

霽色鮮宮殿秋聲脆管弦聖明千載樂歲歲似今年
紅裾明月夜碧葦早秋時好向昭陽宿天源玉漏遲

公子行

劉希夷

天津橋下陽春水天津橋上繁華子馬聲迴合青雲
外人影搖揚綠波裏綠波清迴玉為砂青雲離披錦
作霞可憐楊柳傷心樹可憐桃李斷腸花此日遨遊
邀美女此時歌舞入倡家倡家美女鬱金香飛去飛

三六七

樂府詩集卷九十

三

來公子傍的的珠簾白日映娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝為
雲為雨楚襄王古來容光人所羨況復今日遙相見
願作輕羅著細腰願為明鏡不嬌面與君相向轉相
親與君雙棲共一身願作貞松千歲古誰論芳櫬一
朝新百年同謝西山日千秋萬古北邱塵

同前

陳羽

金羈白面郎何處踏青來馬嬌郎半醉躑躅望樓臺
似見樓上人玲瓏窓戶開隔花聞一笑落日不知迴

同前

韓琮

紫袖長衫色銀蟾半臂花帶紫盤水玉鞍繡坐雲霞

別殿承恩澤飛龍賜渥注控羅書日裊戀鏤象碧重葩
意氣催歌舞闌珊走鈿車袖彰雲縹緲釵轉鳳歌斜
珠卷迎歸箔紅籠晃醉紗唯無難夜日不得似仙家

同前

顧況

輕薄兒白如玉紫陌春風纏馬足雙鎧懸金縷鶻飛
長衫刺雪生犀束綠槐夾道陰初成珊瑚幾節敵流
星紅肌拂拂酒光穉當街背拉金吾行朝遊鼕鼕鼓
聲發暮遊鼕鼕鼓聲絕入門不肯自昇堂美人扶踏

金階月

同前

聶夷中

漢代多豪族恩深益嬌逸走馬踏殺人街吏不敢詰

三五

樂府詩集卷九

四

紅樓宴青春數里望雲蔚金缸燭勝晝不畏落暉疾
美人盡如月南威不敢匹芙蓉自天來不向水中出
綺席曼雲和碧簫吹鳳質唯限魯陽死無人駐白日
花樹出牆頭花裏誰家樓一行書不讀身封萬戶侯
美人樓上歌不是古涼州

同前

于鵠

少年初拜太常秋半醉垂鞭見列侯馬上抱鷄三市
闔袖中携劍五陵遊玉簫金管迎歸院錦袖紅妝擁
上樓更向苑中新買宅碧波春水入門流

同前

雍陶

公子風流輕錦繡新裁白紵作春衣金鞭留當誰家

酒拂柳穿花信馬歸

同前二首

張祐

玉堂前後畫簾垂立却
花驄待出時紅粉美人擎酒
勸錦衣年少臂鷹隨輕將
玉杖敲花片旋把金鞭約
柳絲晴日獨遊三五騎
等閑行傍曲江池
春色滿城池杯盤看處移
鎧金斜鴈子鞍帕嫩鴝兒
買笑歌桃李尋歌折柳枝
可憐明月夜長是管弦隨

同前

孟賓于

錦衣紅奪彩霞明侵曉
春遊向野庭不識農夫辛苦
力驕驄踏爛麥青青

將軍行

劉希夷

將軍闢轅門耿介當風立
諸將欲言事逡巡不敢入
劒氣射雲天鼓聲振原隰
黃塵塞路起走馬追兵急
彎弓從此去飛箭如兩集
截圍一百重斬首五千級
代馬流血死胡人抱鞍泣
古來養甲兵有事常討襲
乘我廟堂運坐使干戈戢
獻凱歸京都軍容何翕習

同前

張籍

彈箏峽東有胡塵天子擇日拜
將軍蓬萊殿前賜六
纛還領禁兵為部曲當朝受詔不辭家
夜向咸陽原
上宿戰車彭彭旌旗動三十六軍齊上隴
隴頭戰勝
夜亦行不兵處處收舊城胡兒殺盡陰磧暮擾擾唯
有牛羊聲邊人親戚曾戰歿今逐官軍收舊骨磧西

行見萬里空樂府獨奏將軍功

老将行

王維

少年十五二十時步行奪得胡馬騎射殺山中白額
虎肯數鄴下黃鬚見一身轉戰三千里一劍曾當百
萬師漢兵奮迅如霹靂虜騎崩騰畏疾藜衛青不敗
由天幸李廣無功緣數奇自從棄置便衰朽世事蹉
跎成白首昔時飛箭無全目今日垂楊生左肘路傍
時買故侯瓜門前學種先生柳茫茫古木連窮巷寨
落寒山對虛牖誓令踈勒出飛泉不似潁川空使酒
賀蘭山下陣如雲羽檄交馳日夕聞節使三河募年
少詔書五道出將軍試拂鐵衣如雪色聊持寶劍動
星文願得燕弓射大將耻令越甲鳴吳軍莫嫌舊日
雲中守猶堪一戰取功勲

燕支行

漢家天將才且雄來時謁帝明光宮萬乘親推雙闕
下千官出餞五陵東誓辭甲第金門裏身作長城玉
塞中衛霍才堪一騎將朝廷莫數貳師功趙魏燕韓
多勁卒關西俠少何咆勃報讎只是聞嘗膽飲酒不
曾妨刮骨畫戟瑠戈白日寒連旗大旆黃塵沒疊鼓
遥翻瀚海波鳴笳亂動關山月麒麟錦帶佩吳鉤颯
沓青驪躍紫騮拔劍已斷天驕臂歸鞍共飲月支頭
漢軍大呼一當百虜騎相看哭且愁教戰雖令赴湯

火終知上將伐謀猷

桃源行

宋陶潛桃花源記曰晉太元中武陵人沿溪捕魚忽逢桃花林夾岸數百步中無雜樹芳華鮮美落英繽紛漁人甚異之復前行林盡水源得一山山有小口髣髴有光乃捨船而入初纔通人行數十步豁然開朗土地平曠屋舍儼然有良田美池桑竹之屬阡陌交通雞犬相聞其中往來種作男女衣著悉如外人黃髮垂髫怡然自樂見漁人大驚問所從來邀還家為設酒殺

樂府詩集卷九十

七

雞自云先世避秦亂率妻子邑人來此不復出遂與外人隔絕問今何世乃不知有漢無論魏晉漁人為具言皆歎惋停數日辭去曰此中人語不足為外人道也既出得船復由向路處處誌之其後欲往迷不復得路云

漁舟逐水愛山春兩岸桃花夾古津坐看紅樹不知遠行盡青溪忽值人山口潛行始隈隩山開曠望旋平陸遙看一處攢雲樹近入千家散花竹樵客初傳漢姓名居人未改秦衣服居人共住武陵源還從物外起田園月明松下房櫳靜日出雲中雞犬喧驚聞

俗客爭來集競引還家問都邑平明問巷掃花開薄
暮漁樵乘水入初因避世去人間更問神仙遂不還
峽裏誰知有人事世中遙望空雲山不疑靈境難聞
見塵心未盡思鄉縣出洞無論隔山水辭家終擬長
遊衍自謂經過舊不迷安知峯壑今來變常時只記
入山深清溪幾度到雲林春來遍是桃花水不辨仙
源何處尋

同前

劉禹錫

漁舟何招招浮在武陵水拖綸擲餌信流去誤入桃
源行數里清源尋盡花綿綿踏花覓徑至洞前洞門
蒼黑烟霧生暗行數步逢虛明俗人毛骨驚仙子爭

樂府詩集卷九十一

八

來致詞何至此須臾皆破冰雪顏笑語言一作委曲問
世間因嗟隱身來種玉不知人世如風燭筵羞石髓
勸客餐鐙熟松脂留客宿雞聲犬聲遙相聞曉光蕊
籠開五雲漁人振衣起出戶滿庭無路花紛紛翻然
恐迷鄉縣處一息不肯掩源住桃花滿溪水似鏡塵
心如垢洗不去仙家一出尋無蹤至今水流山重重

春女行

劉希夷

春女顏如玉怨歌陽春曲巫山春樹紅沅江春草綠
自憐妖豔姿妝成獨見時愁心伴楊柳春盡亂如絲
目極千里餘悠二春江水遥想玉闕人愁卧金閨裏
尚言春花落不知秋風起嬌愛猶未終悲涼從此始

憶昔楚王宮玉樓妝粉紅纖腰弄明月長袖拂春風
容華委曲山光陰不可還桑林變東海富貴今何在
寄言桃李容胡為閨閣重但看楚王墓唯有數株松

同前

王翰

紫臺穹跨連綠波紅軒鈴匝垂纖羅中有一人金作
面隔幌玲瓏遙可見忽聞黃鳥鳴且悲鏡邊含笑著
春衣羅袖婢娟似無力行拾落花比容色落花一度
無再春人生作樂須及辰君不見楚王臺上紅顏子
今日皆成狐兔塵

洛陽女見行

王維

洛陽女見對門居纔可顏容十五餘良人玉勒乘驄

三十一

樂府詩集卷九十

九

馬侍女金盤膾鯉魚畫閣朱樓盡相望紅樵綠柳垂
簷向羅幃送上七香車寶扇迎歸九華帳狂夫富貴
在青春意氣驕劇季倫自憐碧玉親教舞不惜珊瑚
持與人春窓曙滅九微火九微片片飛花璫戲罷曾
無理曲時妝成祇是薰香坐城中相識盡繁華日夜
經過趙李家誰憐越女顏如玉貧賤江頭自浣沙

扶南曲五首

翠羽流蘇帳春眠曙不開著從面色一起嬌逐語聲來
早向昭陽殿君王中使催

堂上清弦動堂前綺席陳齊歌盧女曲雙舞洛陽人
傾國徒相看寧知心所親

香氣傳空滿妝華影落通歌聞天仗外舞出御筵中
日暮歸何處花間長樂宮

宮女還金屋將眠復畏明入春輕衣好半夜薄妝成
拂曙朝前殿玉除多珮聲

朝日照綺窓佳人坐臨鏡散黛恨猶輕挿釵嫌未正
同心勿遽遊幸得春妝竟

笑歌行

李白

笑矣乎笑矣乎君不見曲如鉤古人知爾封公侯君
不見直如弦古人知爾死道邊張儀所以只掉三寸
舌蘇秦所以不壘二頃田笑矣乎笑矣乎君不見滄
浪老人歌一曲還道滄浪濯吾足平生不解謀此身

樂府詩集卷九

十一

虛作離騷遣人讀笑矣乎笑矣乎趙有豫讓楚屈平
賣身買得千年名巢由洗耳有何益夷齊餓死終無
成君愛身後名我愛眼前酒飲酒眼前樂虛名何處
有男兒窮通當有時曲腰向君君不知猛虎不看机
上肉洪鑪不鑄囊中錐笑矣乎笑矣乎甯武子朱買
臣叩角行歌皆負薪今日逢君君不識豈得不如佯
狂人

江夏行

憶昔嬌小姿春心亦自持為言嫁夫婿得免長相思
誰知嫁商賈令人却愁苦自從為夫妻何曾在鄉土
去年下揚州相送黃鶴樓眼看帆去遠心逐江水流

只言期一載誰為歷三秋使妾腸欲斷恨君情悠
東家西舍同時發北去南來不逾月未知行李遊何
方作箇音書能斷絕適來往南浦欲問西江船正見
當鑪女紅妝二八年一種為人妻獨自多悲悽對鏡
便垂淚逢人只欲啼不如輕薄兒旦暮長追隨悔作
商人婦青春長別離如今正好同勸樂君去容華誰
得知

橫江詞六首

人言橫江好儂道橫江惡一風一日吹倒山一作風吹倒

天門白浪高於瓦官閣

海潮南去過潯陽牛渚由來險馬當橫江欲渡風波

惡一水牽愁萬里長

橫江西望阻西秦漢水東流一作楚水東連揚子津白浪如

山那可渡狂風愁殺峭帆人

海神東一作木過惡風回浪打天門石壁開浙江八月

何如此濤似連山噴雪來

橫江館前津吏迎向余東指海雲生郎今欲渡緣何

事如此風波不可行

日暈天風霧不開海鯨更蹙百川回驚波一起三山

動公無渡河歸去來

靜夜思

林前看月光疑是地上霜舉頭望山月低頭思故鄉

黃葛篇

黃葛生洛溪黃花自綿羃青烟蔓長條繚繞幾百尺
閨人費素手綵緝作締絡縫為絕國衣遠寄日南客
蒼梧大火落暑服莫輕擲此物雖過時是妾手中跡

采葛行

鮑溶

春溪筵回葛花黃黃麝引子山山香蠻女不惜手足
損鉤刀一一牽柔長葛絲茸茸春雪體深淵潭泉清
處洗般勤十指蠶吐絲當窓娟娜聲高響織成一匹
無一兩供進天子五月衣水精夏殿開涼戶冰山
座猶難御衣親玉體又何如香然獨對秋風曙鏡
女兒嫁鮫人鮫綃逼穴色不分吳中角簟泛清涼
曳勝被三素雲自茲貢薦無人惜那敢更爭龍手跡
蠻女將來海市頭賣與嶺南負估客

樂府詩集卷九十

十一

樂府詩集卷第九十



樂府詩集卷第九十一

太原 郭 茂倩 編次

新樂府辭

樂府雜題

祖龍行

韋楚老

漢書五行志曰秦始皇三十六年鄭客從
關東來至華陰望見素車白馬從華山上
下知其非人道住止而待之遂至持璧與
客曰為我遺鎬池君因言今年祖龍死忽
不見鄭客奉璧即始皇二十八年過江所
湛壁也是歲始皇死後三年而滅秦顏師

樂府詩集卷九十一

古曰此直江神告鎬池之神以始皇將死
爾蘇林曰祖始也龍人君象謂始皇也應
劭曰祖人之先龍君之象祖龍行蓋出於此
黑雲兵氣射天裂壯士朝眠夢寃結祖龍一夜死沙
丘胡亥空隨鮑魚轍腐肉偷生二千里偽書先賜扶
蘇死墓接驪山^上未乾瑞光已向芒碭起陳勝城中
鼓三下秦家天地如崩瓦龍蛇撩亂入咸陽少帝空
隨漢家馬

鄴都引

張說

君不見見魏武草創爭天祿羣雄睚眦相馳逐畫檣在
士破堅陣夜接詞人賦華屋都邑繚繞西山陽桑榆

湯湯漳河曲城郭為墟人改代但有西園明月在鄴
傍高塚多貴臣蛾眉曼睭共灰塵試上銅臺歌舞處
唯有秋風愁殺人

孟門行

崔顥

黃雀銜黃花一作黃花翩翩傍簷隙本擬報君恩如何反
彈射金罍美酒滿座春平原愛財多衆賓滿堂盡是
忠義士何意得有讒諛人諛人翻覆那可道能令君
心不自保北園新栽桃李枝根株未固何轉移成陰
結子君自取若問傍人那得知

邯鄲宮人怨

邯鄲陌上三月春暮行逢見一婦人自言鄉里本燕

樂府詩集卷九十一

二

趙少小隨家西入秦母兄憐愛無儔侶五歲名為阿
嬌女七歲丰茸好顏色八歲黠惠能言語十三兄弟
教詩書十五青樓學歌舞我家青樓臨道傍紗窓綺
幔暗聞香日暮笙歌君駐馬春日妝梳妾斷腸不用
城南使君婿本求三十侍中郎何知漢帝好容色玉
輦携歸登建章建章宮殿不知數萬戶千門深且長
百堵椒塗接青瑣九華閣道連洞房水精簾箔雲母
扇瑠璃窓牖玳瑁牀歲歲年年奉懽宴嬌貴榮華誰
不羨恩情莫比陳皇后寵愛全勝趙飛鸞瑤房侍寢
世莫知金屋更衣人不見誰言一朝復一日君王棄
世市朝變宮車出葬茂陵田賤妾獨留長信殿一朝

太子升至尊兩宮人事如掌翻同時侍女見讒毀後
來新人不敢言兄弟印綬皆被奪昔年賞賜不復存
一旦放歸舊鄉里乘車垂淚還入門父母愍我曾富
貴嫁與西舍金王孫念此反覆復何道百年盛衰誰
能保憶昨尚如春日花悲今已作秋時草少年去去
莫停鞭人生萬事由上天非我今日獨如此古今歎
薄皆共然

吳宮怨

衛萬

君不見吳王宮閣臨江起不卷珠簾見江水曉氣晴
來雙闌閒潮聲夜落千門裏句踐城中非舊春姑蘇
臺下起黃塵祇今唯有西江月曾照吳王宮裏人

樂府詩集卷九十一

三

同前

張籍

吳宮四面秋江水江清露白芙蓉死吳王醉後欲更
衣座上美人嬌不起宮中千門復萬戶君恩反覆誰
能數君心與妾既不同徒向君前作歌舞茱萸滿宮
紅實垂秋風裊裊生繁枝姑蘇臺上夕燕罷佗人侍
寢還獨歸白日在天光在地君今詎得長相棄

青樓曲二首

王昌齡

白馬金鞍從武皇旌旗十萬宿長楊樓頭小婦鳴箏
坐遙見飛塵入建章

馳道楊花滿御溝紅妝繖綰上青樓金章紫綬千餘
騎夫婿朝回初拜突

同前

于濟

青樓臨大道一上一迴老所思終不來極目傷春草

中流曲

崔國輔

歸時日尚早更欲向芳洲渡口水流急迴船不自由

聖壽無疆詞十首

韋巨源

文物京華盛謳歌國步康瑤池供壽酒銀漢麗宸章
雨露涵雙闕雷霆肅萬方代推仙祚遠春共聖恩長
鳳宸臨花暖龍鑪傍日香遥知千萬歲天意奉君王
鶴鷺彤庭際軒車綺陌前九城多好色萬井半祥烟
人醉逢堯酒鶯歌荅舜弦花明御溝水香暖禁城天
賜宴文逾盛微歡物更妍無窮豔陽月長照太平年

樂府詩集卷九十二

七

雲陸臨黃道天門在碧虛大明含睿藻元氣抱宸居
戈偃征苗後詩傳宴鎬初年華富仙苑時哲滿公車
化入網緼大恩垂渙汗餘悠然萬方靜風俗揖華胥
玉漏飄青瑣金鋪麗紫宸雲山九門曙天地一家春
瑞靄方呈賞煦風本配仁巖廊開鳳翼水殿壓鼇身
文雅逢明代歡娛及賤臣年年未央闕恩共物華新
垂拱乾坤正歡心品類同紫炁含社極玄澤付東風
珠綴留晴景金莖直曉空發生資盛德交泰讓全功
間氣登三事祥光啓四聰遐荒似川水天外亦朝宗
代是文明晝春當宴喜時鑪烜添柳重宮漏出花遲
漢典方寬律周官正採詩碧霄傳鳳吹紅旭在龍旂

歌宋枚
作較浮

造化膺神契陽和沃聖恩無因隨百獸率舞奉丹墀
睿德符玄化芳情翊太和日輪皇鑒遠天仗聖朝多
曙色含金榜晴光轉玉珂中宮陳廣樂元老進頌歌
蓮葉看龜上桐花識鳳過小臣空擊壤滄海是恩波
物象朝高殿簪裾溢上京春當九衢好天向萬方明
樂報簫韶發林看沆瀣生芙蓉外閣暖楊柳玉樓晴
閭闔開中禁衣裳儼太清南山同聖壽長獻鳳皇城
日上蒼龍闈香含紫禁林晴光互雲疊春色九天深
賞協元和德文垂雅頌音景雲隨御輦顥氣在宸襟
永保無疆壽長懷不戰心聖朝多慶賜瓊樹粉墻陰
化洽生成遂切宣動植知瑞凝三秀草春入萬年枝

樂府詩集卷九十一

五

鳳掖嘉言進雍行喜氣隨仗臨丹地近衣對碧山垂
渥澤方柔遠聯明本聽卑願同東觀事長觀漢威儀

朝元引四首

陳陶

帝燭熒煌下九天蓬萊宮曉玉鑪烟無史鸞鳳隨金
母來賀薰風一萬年

玉殿雲開露冕流下方珠翠壓黿頭天鷄唱罷南山
曙春色光輝十二樓

萬寓靈祥擁帝居東華元老薦屠蘇龍池遙望非烟
拜五色瞳矐在五壺

寶祚河宮一向清龜魚天篆益參明近臣誰獻登封
草五嶽齊呼萬歲聲

平蕃曲三首

劉長卿

吹角報蕃營迴軍欲洗兵已教青海外自築漢家城
渺渺戍烟孤茫茫塞草枯隴闕何用閉萬里不防胡
絕漠大軍還平沙獨戍閑空留一片石萬古在燕山

悲陳陶

杜甫

孟冬十郡良家子血作陳陶澤中水野曠天清無戰
聲四萬義軍同日死羣胡歸來血洗箭仍唱胡歌飲
都市都人四面向北啼日夜更望官軍至

悲青坂

我軍青坂在東門天寒飲馬太白窟黃頭奚兒日向
西數騎彎弓敢馳突山雪河冰豔蕭颼青是烽烟白

樂府詩集卷九十一

六

人骨焉得附書與我軍忍待明年莫倉卒

哀江頭

少陵野老吞聲哭春日潛行曲江曲江頭宮殿鏤千
門細柳新蒲為誰綠憶昔霓旌下南苑苑中萬物生
顏色昭陽宮裏第一人同輦隨君侍君側輦前才人
帶弓箭白馬嚼齧黃金勒翻身向天仰射雲一箭正
墜雙飛翼明眸皓齒今何在血污游魂歸不得清渭
東流劒閣深去住彼此無消息人生有情淚霑臆江
水江花豈終極黃昏胡騎塵滿城欲往城南望城北

一作里
南北

哀王孫

長安城頭頭白烏夜飛延秋門上呼又向人家啄大
屋屋底達官走避胡金鞭斷折九馬死骨肉不待同
馳驅腰下寶玦青珊瑚可憐王孫泣路隅問之不肯
道姓名但道困苦乞為奴已經百日竄荆棘身上無
有完肌膚高帝子孫盡高準龍種自與常人殊豺狼
在邑龍在野王孫善保千金軀不敢長語臨交衢且
為王孫立斯須昨夜東風吹血腥東來橐駝滿舊都
朔方健兒好身手昔何勇銳今何愚竊聞天子已傳
位聖德北服南單于花門勞面請雪恥慎勿出口他
人狙象哉王孫慎勿踈五陵佳氣無時無

兵車行

樂府詩集卷九上

七

車麟麟馬蕭蕭行人弓箭各在腰爺娘妻子走相送
塵埃不見咸陽橋牽衣頓足攔道哭哭聲直上千雲
霄道傍過者問行人行人但云點行頻或從十五北
防河便至四十西營田去時里正與裹頭歸來頭白
還戍邊邊亭流血成海水武皇開邊意未已君不聞
漢家山東二百州千村萬落生荆杞縱有健婦把鋤
犁禾生隴畝無東西況復秦兵耐苦戰被驅不異犬
與雞長者雖有問後夫敢申恨且如今年冬未休關
西卒一云後夫心益憤如公縣官急索租租稅從何
出信知生男惡反是生女好生女猶是嫁比鄰生男
埋沒隨百草君不見青海頭古來白骨無人收新鬼

頌冤舊鬼哭天陰雨濕聲啾啾

來從竇車騎

李益

東駿逢世屯懷恩抱明義讀書良不武學劍慙非智
遂別魯諸生來從竇車騎追兵赴邊急絡馬黃金轡
出入燕南陲由來重意氣自經臯蘭戰又破樓煩地
西北護三邊東南留一尉時過如雲雨參差不自意
將軍失恩澤萬事從此異置酒高樓上薄暮秋風起
長戟與我歸歸來同棄置自酌還自飲非名又非利
歌出易水寒琴下雍門淚出逢平樂舊言在天階侍
問我從軍苦自陳少年貴丈夫交四海送論身自致
漢軍不封侯蘇卿來遠使令我終此曲此曲成不易

樂府詩集卷九十一

八

賈人難識心何由知忌諱

憶長安曲二首

岑參

東望望長安正值日初出長安不可見但見長安日
長安何處在只在馬蹄下明日歸長安為君急走馬

九曲詞三首

高適

河圖曰黃河出崑崙山東北流千里折西
而行至於蒲山南流千里至於華山之陰
東流千里至於柏雍北流千里至於下津
河水九曲長九千里入於渤海酈道元水
經注曰黃河百里一小曲千里一曲一直
矣新唐書曰天寶中哥舒翰攻破吐蕃洪

宋刻此十二字

濟大莫等城收黃河九曲以其地置洮陽
郡適由是作九曲詞

鐵騎橫行鐵嶺頭西看邏逤取封侯青海只今將飲
馬黃河不用更防秋

許國從來徹廟堂連年不為在疆場將軍天上封侯
印御史臺中異姓王

萬騎爭歌楊柳春千場對舞繡麒麟到處盡逢歡洽
事相看揔是太平人

情人王清歌

畢耀

洛陽城中有一人名王清可憐王清如其名善斜柯

立婢娟花豔無人及珠為淚玉為纓臨春風吹

樂府詩集卷九十一

九

悠悠漲天星萬金閣上晚以成雲和曲中為悞
一掃不得踏搖袂兩盈盈城頭之日復何情

湘中弦二首

崔塗

心雨細雲冥冥杜蘭香老三山清故山望斷不知
虜鷓鴣隔花啼一聲

蒼山遙遙江潏潏路傍老盡無閒人王孫不見草空
綠惆悵渡頭春復春

湘弦怨

孟郊

昧者理芳草蒿蘭同一鋤狂飈怒秋林曲植同一枯
嘉木忌深蠹哲人悲巧誣靈均八迴流斯尚為良謨
我願不衆泉清濁各異渠我願不衆巢鳥鷺相遠居

此志諒難保此情竟何如湘弦小知意孤響空踟躕

湘弦曲

莊南傑

楚琴錚錚戛秋露巫雲兩脚飛
朝暮古磬高敲百尺樓
孤猿夜哭千丈樹雲軒碾火聲
瓏瓏連山卷盡長江空
鷺啼寂寞花枝兩鬼嘯荒郊
松栢風滿堂怨咽悲相續
具調中含古離曲繁弦響絕楚
竟遥湘山水碧天山綠

促促曲

李益

促促何促促黃河九回曲
嫁與棹船郎空林將影宿
不道君心不如石那教妾貌長如玉

促促詞

王建

樂府詩集卷九十一

十

促促復刺刺水中無魚山無石
少年雖嫁不將歸白頭猶著
父母衣四邊田宅非所有我身
不及逐鷄飛出門若有歸死處
猛虎當衢向前去百年不遣踏君
門在家誰喚為新婦豈不見他鄰
舍娘嫁來長在舅姑傍

同前

張籍

促促復促促家貧夫婦歡不足
今年為人送租船去年捕魚在江
邊家中姑老子復小自執吳綃輸
稅錢家家桑麻滿地黑念君一身
空努力乍教牛啼團羊角直君身
長在應不得

樓上女兒曲

盧仝

誰家女兒樓上頭，指麾婢子掛簾鉤。林花撩亂心之
愁，卷却羅袖彈箏篴。歷亂五六弦，羅袖掩面啼向天。
相思弦斷情不斷，落花紛紛心欲穿。心欲穿，憑欄干。
相憶柳條綠，相思錦帳寒。直緣感君恩，愛一回顧。使
我雙淚長珊珊。我有嬌靨待君笑，我有嬌娥待君掃。
鴛花爛熳君不來，及至君來花已老。心腸寸斷誰得
知，玉階羅履生青草。

青青水中蒲三首

韓愈

青青水中蒲，下有一雙魚。君今上隴去，我在與誰居。
青青水中蒲，長在水中居。寄語浮萍草，相隨我不如。
青青水中蒲，葉短不出水。婦人不下堂，行子在萬里。

樂府詩集卷第九十二

太原 郭 茂倩 編次

新樂府辭

樂府雜題

塞上曲

李白

大漠無中策匈奴犯渭橋五原秋草綠胡馬一何驕
命將征西極橫行陰山側燕支落漢家婦女無花
轉戰渡黃河休兵樂事多蕭條清萬里瀚海寂無波

同前二首

王昌齡

蟬鳴桑樹間八月蕭關道出塞入塞雲處處黃蘆草
從來幽并客皆向沙場老莫學遊俠兒矜誇紫騮好

樂府詩集卷九十二

一

邊頭何慘慘已葬霍將軍部曲皆相弔燕南代北聞
功勳多被黜兵馬亦尋分更遣黃龍戍唯當哭寒雲

同前

耿緯

慣習干戈事鞍馬初從少小在邊城身微久屬千夫
長家遠多親五郡兄嬾說疆場曾大獲且悲年贖老
長征塞鴻過盡殘陽重樓上悽悽暮角聲

同前

司空曙

塞柳接胡桑軍門向大荒幕營隨月兔兵氣長星芒
橫吹催春酒重裘隔夜霜冰開不防虜青草滿遼陽

同前九首

僧貫休

幽并兒百萬百戰未曾輸蕃兒已深入將軍仍遠圖

月明風拔帳，積暗鬼騎孤。但有東歸日，甘從筋力枯。
中軍殺白馬，白日祭蒼蒼。蒼號變旗幡，亂輦乾草木。黃
朔雲含凍，兩枯骨放妖。光故國今何處，參差近鬼方。
白鴈無羗笛，幾年垂淚聽。陰風吹殺氣，永日在青冥。
遠戍秋添將，邊風夜雜星。嫖姚頭半白，猶自看兵經。
大雨始無塵，邊聲四散聞。浸河荒寨柱，吹角白頭軍。
牛馬蘇腥草，烏鳶識陣雲。征人心力盡，枯骨更遭焚。
帳幕侵奚界，憑陵未可涯。擒生行別路，尋箭向平沙。
赤落蒲桃葉，香微甘草花。不堪登隴望，白日又西斜。
地角天涯外，人號鬼哭邊。大河流敗卒，寒日下蒼烟。
殺氣諸蕃動，軍書一箭傳。將軍莫惆悵，高處是燕然。

山接胡奴水，河連勃勃城。數州今已伏，此命豈堪輕。
積吼旄頭落，風乾刀斗清。因嗟李陵苦，只得渡蕃名。
錦袷胡兒黑，如漆騎羊上。水如箭疾蒲桃酒，白鷗脂。
紅首蒼根甜，沙鼠出單于。右臂何須斷，天子昭昭本。
如日一握鬣，驍一握絲。須知只為平戎術。

去年轉關陰，山脚生得單于。却放却今年，深入於不。
毛胡兵拔帳，遺弓刀兒男。貴展平生志，為國輸忠合。
天地甲穿雖則失，黃金劍缺猶能生。紫氣塞草萋萋，
兵士苦胡虜。如今勿胡虜，封侯十萬始無心。玉關生
入君看取。

漢將歸來虜塞空
旌旗初入玉關東
高蹄戰馬三千匹
落日平原秋草中

胡風略地燒連山
碎葉孤城未下關
山頭烽子聲聲叫
知是將軍夜獵還

同前二首

王維

天驕遠塞行
朔裏寶刀鳴
定是酬恩日
今朝覺命輕
塞虜常為敵
邊風已報秋
平生多志氣
箭底覓封侯

同前

周朴

一墜風來一墜砂
有穴行處沒人家
黃河九曲冰先合
紫塞三春不見花

同前

張祐

邊風卷地時
日暮帳初移
磧迴三通角
山寒一點旗
連枚擗索馬
引滿射雕兒
莫道勲功細
將軍昔戍師

塞上行

歐陽詹

聞說胡兵欲利秋
昨來投筆到營州
驍雄已許將軍用
邊塞無勞天子憂

同前

鮑溶

西風應時筋角堅
承露牧馬水草冷
可憐黃河九曲盡
氈館牢落胡無影

同前

李昌符

莽倉盡闕杜孤城
帳幕空
客軍甘入陣
老將望回戈
樹盡禽棲草
冰堅路在河
汾陰尋下世
羗虜肯先和

同前

周朴

秦築長城在連雲磧氣侵風吹邊草急角絕塞鴻沈
世世征人往年年戰骨深遼天望鄉者回首盡霜

塞上

高適

東出盧龍塞浩然客思孤亭埃列萬里漢兵猶備胡
邊塵滿北溟虜騎正南驅轉關豈長策和親非遠圖
惟昔李將軍按節出皇都揔戎掃大漠一戰擒單于
常懷感激心願効縱橫謨倚劍欲誰語關河空鬱紆

同前

王建

湯湯復淒淒黃沙暮漸迷人當故鄉立馬過舊營嘶
斷鷹逢水磧回軍占雪溪夜來山下哭應是送降奚

三五二

樂府詩集卷十一

一

四

同前

鮑溶

朔風號薊門殺氣日夜興咸陽三千里鐵馬如飢鷹
行子久去鄉見山不貽登寒日慘大野虜雲若飛鵬
西北防秋軍麾幢宿層冰匈奴未喪戰鼓長騰騰
漢卒馬上老樊纓空絲繩誠知天所驕欲罷又不能

同前

李端

二十在邊城軍中得勇名卷旗收敗馬斷磧擁殘兵
覆陣烏鳶起燒山野火明塞閑思遠獵師老厭分營
雪嶺無人跡冰河足雁聲李陵甘沒此惆悵漢公卿

同前

曹松

邊塞來處闊今日復明朝河凌聲堅通馬朝雲缺見

雕沙中程獨立鄉外隱誰招回首若經歲靈州生柳
條

同前

鄭渥

出門何處問西東指畫翻為語論同到此客情潛覺
白未秋山色已飄紅帳前影落傳書雁日下文聲失
馬翁早晚回鞭復南去大衣高蓋漢鄉風

同前二首

譚用之

秋風漢北雁飛天單騎那堪遠賀蘭磧暗更無高樹
影地平時有墊燒瘢貂披寒色和衣冷劔佩胡霜隔
匣寒早晚橫戈侶飛尉擁旄深入異田單
鋒略城邊日欲西遊人却憶舊山歸羊牛集水烟黏

其府詩集卷九

五

步鷗鷺盤空雪滿圍獵騎靜逢邊氣薄戍樓寒對算
烟微橫行總是勇兒事早晚重來侶漢飛

同前

姚合

磧路三千里黃雲覆艸平戰須移死地勦諱殺降兵
印馬秋遮虜蒸砂夜築城故鄉歸未得都尉欠功名

同前

張喬

勒兵遼水邊風急卷旌旄絕塞寒無樹平沙勢蓋天
雪晴回探騎月落控鳴絃永定山河誓南平改漢平

同前二首

周朴

柳色正沉沉風吹秋更深山河空遠道鄉國自鳴砧
巷有千家月人無萬里心長城哭崩後寂寞至如今

受降城必破，回落隴頭移蕃道。北海北謀生，今始知。

同前

秦韜玉

到處人皆著戰袍，麾旗風急馬蹄勞。燧山霜重弓添
硬，青塚沙平月更高。大野幾重閑雪嶺，長河無限舊
風濤。鳳林關外皆唐土，猶尚蒐兵數佞毛。

同前

戴師顏

空積書囊蒼茫沙，腥古戰場逢春多霰雪。生計在牛羊
冷角吹，鄉泪乾榆落。夢牀從來山水客，誰謂到漁陽。

同前

江為

萬里黃雲凍不開，飛磧煙風火夜深。微胡兒移帳寒
笳絕，雲路時聞探馬蹄。

宋詩集卷九十二

六

同前二首

杜荀崔

旌旗獵獵：漢將軍閑出巡遊，帝命新沙塞旋收饒帳。
幕犬戎時殺少，烟塵冰河夜渡偷來馬。雪嶺朝飛獵
人去，獨作書生疑不穩。軟弓輕箭也隨人。

草白河冰合，蕃戎出掠頻。戍樓三號火，探騎一條塵。
戰士風霜老，將軍雨露新。封侯不由此，何以慰征人。

塞下曲

李白

五月天山雪，無花祇有寒。笛中聞折柳，春色未曾看。
曉戰隨金鼓，宵眠抱玉寒。願將腰下劍，直為斬樓蘭。
天兵下北荒，胡馬欲南飲。橫戈從北戰，直為御恩甚。
握雪海上食，拂沙隴頭寢。何當破月氏，然後方高枕。

駿馬如風颺鳴鞭出渭橋
弓辭漢月插羽破天驕
陣解星芒盡營空海霧銷
功成畫麟閣獨有霍嫫姚
白馬黃金塞雲砂繞夢思
那堪愁苦節遠憶邊城見
螢飛秋窓滿月度霜閨遲
權殘梧桐葉蕭颯沙棠枝
無時獨不見淚流空自知

塞虜乘秋下天兵出漢家
將軍不虎竹戰士卧龍沙
邊月随弓影胡霜拂劍花
玉關殊未入少婦莫長嗟
烽火動沙漠連照甘泉雲
漢皇按劍起還召李將軍
兵氣天上合鼓聲隴底聞
橫行負勇氣一戰靜妖氛

同前

郭元振

塞外虜塵飛頻年出武威
死生随玉劍辛苦向金微

久戍人將老長征馬不肥
仍聞酒泉郡已合數重圍

同前二首

王昌齡

飲馬渡秋水水寒風似刀
平沙白未沒黯黯見臨洮

昔日長城戰一作當日咸言意氣高
黃塵是今古一作

今古黃沙滿白骨亂蓬蒿

秋風夜渡河吹却鴈門桑
遥見祁連山獵鞠馬宿嚴霜
五道分兵去孤軍百戰場
功多知下獄士卒但心傷

同前二首

馬戴

旌旗倒北風霜霰逐南鴻
夜救龍城急朝焚虜帳空
骨銷金鏃在鬢改玉關中
却想羲皇代無人說戰功
廣漠雲凝慘日斜飛雪散
生燒山搜血獸伏道擊田兵

風折旗竿曲沙埋樹杪一作塞路平共雲飛旦夕偏奏苦寒聲

同前

張籍

邊州八月修城堡倏騎先燒磧中草胡風吹沙度隴飛隴頭林木無北枝將軍閱兵青塞下鳴鼓逢逢促獵圍天寒山路石斷裂白日不銷帳上雪烏孫國亂多降胡詔使名王持漢節年年征戰不得閑邊人殺盡唯空山

同前

于濆

赤子別父母犬戎圍邏娑戰地血聲未齊烏鳶已相賀燕然山上雲半是離鄉棄衛而仕待富貴不知誰與論

手寫

終唐詩集卷之三

同前

陶翰

進軍飛狐北窮寇勢將變落日沙塵昏背河更一戰駢馬黃金勒彫弓白羽箭射殺左賢王歸奏未央殿欲口塞下事天子不召見東出咸陽門袞袞淚如霰

同前二首

李益

蕃州部落能結束朝駝暮猶黃河曲燕歌未斷塞鴻飛牧馬牽嘶邊草綠秦築長城城已摧漢武北上單于臺古來征戰虜不盡今日還復天兵來黃河東流沉九折沙場埋恨何時絕一作琰沒處造胡笳蘇武歸來持漢節為報如今都護旌匈奴旦暮下雲中請書塞北陰山石願勒燕然車馬功

漢家今上郡秦塞古長城有日雲長慘無風沙自驚
當今聖天子不戰四夷平

樂府詩集卷第九十二

閱竟方下至冬日將六春因付刻備直迴
撥詞不謂遂能終之印九日後

此書係從前所刻... 卷之六... 刻

